

國  
朝  
大  
事  
記

四臣輔政始末

任邱金象豫介公輯錄

順治十八年正月

遺詔命內大臣索尼蘇克薩哈遇必隆鼐拜爲輔臣保翊  
冲主佐理政務

康熙五年十二月鼐拜殺大臣蘇納海直隸總督朱  
昌巡撫王登聯先是睿親王將鑲黃旗應得之地給  
與正白旗而給鑲黃旗地於右翼之末二十餘年旗  
民安業及鼐拜輔政與蘇克薩哈有隙故立議更換  
命大臣蘇納海侍郎雷虎會同巡撫王登聯總督朱

昌祚酌議圈換。至十一月二人皆言。圈地不便。旗民  
交困。請停止。鼇拜稱旨。將蘇納海。昌祚。登聯。皆拿禁。  
及刑部議奏。蘇納海。撥地遲誤。朱昌祚。王登聯。紛更  
妄奏。應鞭一百。籍家產。

上召輔臣詢問。蘇克薩哈不對。鼇拜。索尼。遏必隆。堅奏。應  
置重典。

上未允。鼇拜出稱旨。蘇納海。朱昌祚。王登聯。情罪重。着即  
處絞。籍其家。給事中張維。亦請擇吉。

親政報聞。

康熙六年七月。

是年三月。輔政大臣一等公索尼。卒。諡文忠。

上躬親大政。御太和殿。羣臣表賀。宣詔天下恩赦十七條。

太子太保內大臣蘇克薩哈奏求守陵。輔臣等稱旨。蘇克薩哈不識有何逼迫之辭。王大臣議奏未幾。允議將伊子孫並本旗兄弟俱拿問。既而議上。蘇克薩哈二十四罪俱實。應凌遲處死。

上不允。鰲拜強奏累日。竟坐處絞。其子查克旦凌遲。叔弟姪等皆斬決。

康熙八年五月。拿問輔臣公鰲拜。遏必隆。阿南達等。康親王傑書等。勘問鰲拜罪款三十。遏必隆罪款十二。班布爾善罪款二十一。鰲拜姪塞本得罪款六。得

旨整拜革職籍沒拘禁

時已及其子那摩佛誅於禁中

遏必隆免罪革太

師公爵阿南達免死宗室班布爾善處絞塞本得立

斬阿思哈噶褚哈穆里嗎泰璧圖訥莫俱立斬餘各

從輕治罪有差

給還蘇克薩哈等原官及白爾黑

圖等官職

七月昭雪蘇納海朱昌祚主登聯各賜

謚廕子

蘇納海蘇襄忠王登聯或世隆朱昌祚各勤儉

康熙九年正月復遏必隆公爵

康熙十三年二月一等公遏必隆卒謚恪儻

三藩紀事本末

任邱金象豫介公輯錄

天聰七年五月明將孔有德耿仲明航海來歸孔耿  
皆遼東人有德爲毛文龍部下末弁遂以毛氏稱之  
文龍爲袁崇煥所殺明登州巡撫調有德爲管步兵  
左營叅將仲明亦爲叅將我師圍大凌河登撫調有  
德率騎兵八百應援至吳橋縣遇叅將李九成遂同  
叛率其黨陳繼功李尚友曹得功等五十餘人招烏  
合數千攻臨山東臨邑商河城等縣遂圍登州城  
中耿仲明與其黨杜成功曹德純吳進興等十五人

爲內應。城遂陷。逐其巡撫。時旅順叅將陳有時、廣鹿  
島叅將毛承祿亦殺守吏叛。至登州。有德自稱都元  
帥。九成爲副元帥。仲明總兵。官攻取各城堡。山東擾  
亂。明總兵祖大弼率兵數萬圍登州。九成戰死。有德  
不能支。乃突圍由海道來奔。爲旅順總兵黃龍所邀。  
殺其副將李應元、田良祚。朝鮮復助明邀擊。會我  
目勒濟爾哈朗、阿濟格、杜度勒兵迎於江岸。明兵及朝  
鮮退。有德等部衆家口不遺一物。諭令安插。東京齊  
馬百匹。六月癸酉。封孔有德爲都元帥。耿仲明爲總  
兵官。七月。貝勒岳託、德格類及孔有德等攻克明旅。

順口俘人五千三百餘牛馬等數百銀二萬一千二百兩金二十二兩緞足三千有奇衣二千七百有奇布二萬四千餘疋人參八箱他物稱是八月壬戌遣貝勒阿巴泰等統兵二千畧明山海關一路俘人畜四千二百有奇十月明廣鹿島副將尚可喜輸款於我

天聰八年正月朔旦御殿

命孔有德耿仲明與和碩貝勒同列於第一班行禮遣官營造孔有德耿仲明第宅二人固辭不允尚可喜招撫長山石城二島攜民人數千戶來歸三月



命孔有德耿仲明之肅以白鑲皂尚可喜肅於皂旗中用  
白圓心爲飾四月授尚可喜總兵遣歸海州五月  
月分辨步騎等兵自色以隨固山額真行營馬  
兵爲騎兵步兵爲步兵護軍哨兵爲前鋒駐守盛京  
礮兵爲守兵閒駐兵爲援兵外城守兵爲守邊兵舊  
蒙古右營爲右翼兵左營爲右左翼兵舊漢兵爲漢  
軍孔有德爲天祐兵尚可喜爲天助兵  
崇德三年十月恭順王孔有德懷順王耿仲明智順  
王尚可喜以神威將軍礮攻戚家堡石家堡克之俘  
其人口畜牧

崇德四年正月壬寅

上親統大軍征明壬子

上親登松山南岡相度城垣形勢指示孔有德耿仲明尚可喜石廷柱馬光遠命各依汛地用紅衣礮攻擊明日孔有德等各移礮前進城堞盡毀明副將金國奉死守會日暮召諸將還是夜城中於攻毀處以繩繫木覆之以土比明城已築固諸將進攻不能入我軍陣亡二十人乃命勿攻四月

命三順王及石廷柱馬光遠等於松山城南路穿地道攻城不能克罷之

崇德六年四月遣孔有德尚可喜各率本部將士赴錦州助鄭親王 七月

命耿仲明孔有德尚可喜下梅勒章京連德成曹德選吳進功等率將士助圍錦州軍 十一月乙巳

命孔有德尚可喜率本部兵駐防錦州

崇德七年十月智順王屬下獲奸細蕭大漢訊稱監軍道周法祖遣勸三順王潛遁歸明命斬之  
順治元年四月睿親王奉勅伐明統滿洲蒙古兵三之二及漢軍叅領等三王續順公兵啟行 庚午師次遼河時李自成已陷燕京崇禎帝后俱自經自成

於三月二十二日僭稱帝國號大元順國改元永昌  
壬申睿親王師次翁後明平西侯吳三桂遣將楊  
坤等自山海關來致書畧曰三桂以蟲豸之身而鎮  
山海思堅守東陲而鞏固京師也不意流寇犯闕奸  
黨開門先帝不幸九廟灰燼今天人共憤衆志已離  
其敗可立待我國積德累仁謳思未泯各省宗室如  
晉文漢光武之中興者容或有之三桂受國厚恩欲  
興師問罪奈京東地小兵力未集特泣血求助乞念  
亡國孤臣忠義之言速選精兵三桂自率所部合兵  
以抵都門滅流寇於宮庭則我朝之報北朝豈惟財

帛將裂地以酬不敢食言。王得書諭漢軍齋紅衣礮  
往山海關進發。癸酉師次西拉塔拉報三桂書曰  
向欲與明修好履行致書今日則不復出此惟有底  
足國家與民休息而已。予聞流寇攻陷京師明主慘  
亡不勝髮指用是率仁義之師期必滅賊出民水火  
及伯遣使致書深爲喜悅遂統兵前進夫伯思報主  
恩不共流賊戴天真忠臣之義也伯向雖與我爲敵  
今勿因前故懷疑昔管仲射桓中鉤用爲仲父伯若  
率衆來歸必封以故土晉爲藩王一則國仇得一則  
身家可保世享富貴如山河之永也。丁丑師次連

山戊寅師距山海關十里外一片石遇賊唐通數百  
騎擊敗之。己卯師至山海關。吳三桂出迎。王命三  
桂兵以布繫肩爲號。令先行。遂入關。時李自成率馬  
步兵二十餘萬自北山橫亘至海。列陣以待。是日大  
風迅作。塵沙蔽天。咫尺莫辨。我兵少不能橫列。及海  
王令向海對陣。尾布列。三桂分兵列右翼之末。諸軍  
齊進。風遂止。大敗賊衆。追殺四十里。賊遁走燕京。獲  
駝馬綴幣無算。是日進三桂爵平西王。賜玉帶蟒袍  
貂裘鞍馬玲瓏撒袋弓矢等物。令山海關城內軍人  
各雜髮以馬步兵一萬隸平西王。隨攝政王趣燕京。

追殺流賊。誓諭諸將。勿殺無辜。勿掠財物。勿焚廬舍。不如約者。罪之。仍曉諭官民。以取殘不殺。共享太平之意。三桂送賊兵政府尚書王則堯於王。斬之。則堯山西人。明密雲巡撫。降賊自成。遣招三桂者。壬午師次撫寧。癸未次昌黎。甲申次灤州。乙酉次開平。衛丙戌次玉田。丁亥次羅公店。聞賊已西遁。令諸王目勒率兵急追之。

順治三年八月。以恭順王孔有德爲平南大將軍。與懷順王耿仲明。續順公沈志祥等。往征湖廣。次定江西。贛南由是入廣東。癸巳。

命智順王尚可喜統所部赴孔有德軍協征湖廣。

順治四年十一月平南大將軍孔有德以平湖南捷聞有德奏。臣等自岳州進兵長沙。偽撫何騰蛟總兵王進才已遁。我師次湘潭。尚可喜同梅勒章京卓羅擊敗偽總兵徐松節於渚州。偽平南伯黃朝選遁衡州。臣等進兵擒斬之。并其四子。又耿仲明等由水路還長沙。屢敗偽總兵楊國棟於天津河牛皮灘。追入長沙城。殲之。臣與耿仲明趨祁陽。圍其城。殺偽總兵及賊兵七千。臣引兵趨寶應。克其城。斬魯王朱鼎兆世子朱乾生。總兵黃恩等。又夜進兵武岡州。火焚木



城奪門而入。又敗偽安國公劉承蔭兵。偽永歷僅以身遁。劉承蔭降。先是尚可喜等趨桂陽。郝搖旗部下賊敗於鳳翔鋪。桂陽圍解。遂趨道州。搖旗遁。又遣護軍統領線國安追緝永歷於靖州。克其城。擒總兵蕭曠。姚有性趨沅州。攻克之。湖南悉平。降貴州黎平府僞岷王朱挺峻。前後所獲永歷太子朱爾珠。驪山王朱挺琬等二十七人。招降偽國公劉承蔭及總兵等四十七員。副叅等三十餘員。兵二萬八千有奇。順治五年二月。孔有德疏報大軍至辰州。擒偽榮王朱有傾子朱松子苗洞。又生擒偽奉國將軍朱運銓。

於興化土司隨破永寧擒僞貴溪王朱常彪軍至廣  
西全州何騰蛟等開風遁貴州銅仁府廣西全州興  
安淮陽苗搖共三十一處洞二百六十處俱歸順獲  
僞南威王朱寅衛并子朱戴功僞長沙王朱由櫛僞  
輔國將軍朱華宗室等共四十一人及諸僞伯僞總  
兵司道官甚衆平西王吳三桂自錦州移鎮漢中  
賜宴九月

命鄭親王濟爾哈朗爲定遠大將軍統兵討湖廣賊李錦

即一  
雙虎孔有德等班師還

順治六年二月總兵任珍陣獲僞官兵四十九名撫

養不殺奏聞。報曰：凡平定地方降者撫之，以示恩。抗者殺之，以示懲。則人皆畏死求生而來歸矣。今平西王等以陣獲之人，撫而不殺，敵聞之，必曰：抗者被獲，尚加撫養，誰肯先降？此撫養事甚不合理。爾部其移咨平西王、吳三桂、墨勒根蝦知悉。吳三桂奏賊犯階州，臣等分擊破之，斬偽王朱森金、偽侯趙榮貴。三月，吳三桂報大兵抵秦，克復宜君、同官二縣，擊敗逆賊王永強等，斬首七千。五月，改封恭順王孔有德爲定南王，懷順王耿仲明爲靖南王，智順王尚可喜爲平南王。令孔有德率兵勦廣西，挈家駐防。耿仲

明尚可喜率兵勦廣東黎家駐防。吳三桂等恢復延安府。七月吳三桂等恢復延綏鎮城。十一月靖南王耿仲明往征廣東。至江西吉安府自盡。十二月吳三桂等奏勦賊寨戰克。獲偽將齊進才殺其渠謝汝德。降官兵射死賊渠任一貴。擒斬賊渠劉登樓、榆林等處底定。招撫河南附近悉皆款納。順治七年十一月吳三桂奏官兵恢復府谷縣。尚可喜報官兵攻克廣東省城。順治八年正月孔有德奏攻克廣西省城。底平桂平二府擒斬偽靖江王并世子文武官員四百七十三

即二月移孔有德官兵駐廣西省城。閏二月孔有德遣兵克梧州柳州二府。六月尚可喜彙報開復雷惠廉潮等府。十月。

命固山額真墨勒根蝦統兵同吳三桂征四川賊。十一月。

月尚可喜奏官兵恢復雷州府。順治九年四月孔有德奏廣西思南慶橫等二十二府州縣盡入版圖。又奏偽國公陳邦溥殺偽國公焦璉率潯州郡縣投誠。七月偏沅撫報逆賊孫可望使其黨李定國陷廣西省城定南王孔有德自縊。吳三桂疏稱攻拔重慶等府。勅殺偽總兵李廷明分。

兵圍成都。僞撫南王劉文秀舉城降。進攻嘉定。斬僞總兵龍名揚。八月。

諭吳三桂等勿進貴州。相機安定四川。十月。尚可喜耿

繼茂奏報恢復海南。言臣等於正月中南下。遣兵攻

克欽。靈檣僞總兵袁勝。僞侯李元蔭。僞伯周朝。僞侯

張月等。同僞平西王朱聿錕。縛渠賊李明忠來降。

尚可喜報克復梧州。吳三桂奏孫可望遣兵薄保

寧城下。臣親迎敵。賊大潰。斬僞將軍王復臣等。

順治十年五月。廣東左布政使胡章言。臣聞靖南王

耿繼茂。平南王尚可喜。藩下官兵。有擄掠鄉紳婦女。

及佔住藩司公署濫委官員事

命二王回奏十一年正月耿繼茂疏稱胡章所劾兵丁肆掠一事前大兵抵廣州城中死拒閤九月乃下士卒餐風宿雨礮打鋒傷不知凡幾城下之日即食肉寢皮未足以洩其恨城中皆爲賊黨俘獲實多至兵佔官署官佔民房此始入城有之其後酌以北城駐兵馬南城居百姓一切文武分住南城料理民事至布政使衙門仍作公署安得謂到任無所耶十一年六月胡章因革職下刑部究問以其失實也

八月以

太宗文皇帝第十四女和碩公主下嫁吳三桂子應熊。

九月耿繼茂哈哈木克復潮州。

順治十一年二月。

命尚可喜崇鎮廣東。耿繼茂移駐桂林。五月吳三桂劾

奏原任四川巡按郝浴飾詞冒功免死流盛京。十

月尚可喜耿繼茂奏報逆賊李定國猝臨高明復圍

新會請速發禁旅下兵部。十二月尚可喜等奏與

靖南將軍朱嗎喇合兵屢敗賊李定國遁走新會圍

解。

順治十二年二月耿繼茂尚可喜奏官兵追敗李定



國於興業縣及橫州定國竄入南寧府廣東高雷瓊  
三府三州十八縣及廣西橫州等二州四縣悉平。

順治十三年二月耿繼茂奏我師抵南寧李定國奔  
隆安擒偽伯李先芳斬叅將杜紀等。十二月以吳

三桂爲平西大將軍同都統侯墨爾根侍衛李國翰

統兵由四川往貴州進討李定國。

此係十四年事

順治十五年四月吳三桂李國翰奏敗賊於合州遂  
進取重慶。六月吳三桂奏臣等自重慶進發逆首  
李定國劉文秀等由水西遁入雲南臣等收復遵義  
府并所屬州縣遂抵貴州克開州城。

順治十六年正月雲南平。初安遠大將軍多尼平西  
大將軍吳三桂征南將軍卓布泰會於平越府之楊  
者堡議分兵取雲南。多尼自貴陽入。三桂自遵義入。  
卓布泰自都勻入。訂於十二月會於雲南省城。多尼  
兵至安莊斬其僞劉將軍。追至盤江。賊焚鐵索橋遁。  
却我軍作浮橋而濟。至松嶺衛。僞鞏昌王白文選率  
兵拒敵。我兵分擊之。大敗。遂進抵雲南。三桂兵至七  
星關。白文選屯兵守險。及從水西苗獮界間道度關  
以襲其後。賊聞風遁去。遂直趨烏撒。卓布泰兵至盤  
江之羅顏渡口。賊扼險沈船。我軍從下流十里取所

沈船乘夜潛濟。賊潰。斬偽伯李成爵於梁瑞津。時李  
定國據雙河口山頂。卓布泰遣兵擊敗之。至陸格。定  
國復列柵拒守。卓布泰分兵爲三。張左右翼擊之。再  
戰再捷。追四十餘里。聞賊尚據鐵索橋。乃從普安州  
間道入雲南。三路大帥俱會省城。定國文選與永歷  
奔永昌。三月。

命平西王駐鎮雲南。平南王駐鎮廣東。靖南王駐鎮四川。  
四月。多尼吳三桂卓布泰奏。臣等遣兵勦白文選  
於玉龍關。文選遁。追擊敗之。擒偽總兵吳三貴。賊燒  
瀾滄江之鐵索橋遁去。臣等發兵克永昌府。永歷及

定國竄騰越我兵渡瀘江定國伏兵磨盤山我兵分  
八隊衝擊斬偽伯竇名望賊遁入石門逸去遂克騰  
越復自騰越過南甸至孟村賊由三宣六慰遁去乃  
班師回省定南王屬下總管李如椿奏孔有德子  
廷訓於順治九年陷冠於十五年十二月十六日遭  
李定國慘害吳三桂奏偽慶陽王馮雙禮遁走四  
川偽德安侯狄三品執之以獻

上命押雙禮來京安置尋授三品抒誠侯又奏偽伯朱

養恩等以嘉定州降

十二月

命耿繼茂移駐廣西提督線國安着來京

順治十七年二月吳三桂奏官兵大破賊於普洱。  
四月吳三桂奏滇南員固有年一朝戡定獨永歷在  
緬李定國白文選分住三宣六慰孟艮一帶藉永歷  
以鼓惑衆心窺我邊防患在門戶號召諸蠻患在肘  
腋投誠生心患在膝理請大舉入緬以靖根株 七  
月

命耿繼茂移駐福建

順治十八年四月以都統三等伯線國安鎮守廣西

康熙元年二月吳三桂愛星阿奏奉

命征緬兩路進兵於順治十八年十一月會師木邦偽晉

王李定國奔景線。偽鞏昌王白文選遁。據錫波江。官兵造筏將渡。文選復奔茶山。遣總兵馬寧等追及於孟養。文選降。三桂愛星阿同趨緬城。十二月初一日。大軍至緬城。緬酋執朱由榔獻軍前。殺偽華亭侯王唯恭等一百餘人。雲南悉平。六月。定西將軍內大臣公愛星阿凱旋。雲撫袁懋功疏報。偽晉王李定國逃奔景線。染病身死。十一月。授偽鞏昌王白文選爲承恩公。十二月。

諭貴州一切文武官員兵民事務俱照雲南例。着平西王管理。

康熙二年二月兵部議准將雲貴二省總督巡撫勅書摺入聽平西王節制字。六月兵部議覆李定國

子李嗣興從邊外投誠。

旨授都統品級。十二月耿繼茂奏十月臣等統兵渡海

攻克廈門賊衆驚潰。耿繼茂奏十月總兵王進功

敗海寇於雲霄鎮。

康熙三年正月吳三桂疏進勦廣西龍納山寇生擒妖人阿仲逆寇悉平。二月耿繼茂疏官兵攻克長腰東蚶二島僞兵部阮春雷逆渠張煌言僅以身免。康熙四年二月吳三桂奏總兵李世耀等於三年十

一月自烏蒙進征水西大破之於波羅箐追至法地  
出擒安坤 三桂報官兵進克烏撒土酋安重聖安  
重乾就擒

密諭尚可喜嚴束所屬官兵以廣東人民爲王下兵丁擾  
害甚苦失其生理也 六月吳三桂言逆東土酋王  
耀祖等於本年三月竊據新興僭號大慶謀犯省城  
分遣賊黨攻陷各府縣總督卞三元等分別勦捕四  
月初七日擒耀祖各州縣俱恢復  
康熙六年二月吳三桂報官兵進勦烏撒生擒女酋  
隴氏及逆黨萬餘 九月雲貴總督卞三元提督張



國柱李本深合詞。請吳三桂仍總管滇黔事務。得  
旨。該藩以精力日減。奏請故允行。若令王復理事務。恐其  
過勞。以致精力大損。如邊疆軍機。王自應料理。  
康熙十年六月。以故靖南王耿繼茂子和碩額駙耿  
精忠襲爵。

三藩紀事本末

任邱金象豫介公輯錄

康熙十二年三月平南王尚可喜疏請歸老遼東得  
旨嘉獎官兵家口作何遷移安插着會議 七月平西王

吳三桂疏請撤藩得

旨嘉獎官兵家口作何遷移安插着會議 靖南王耿精

忠疏請撤藩

旨如前 八月差禮部侍郎折爾肯傳達禮往雲南戶部  
尚書梁清標往廣東吏部侍郎陳一炳往福建經理  
各撤藩兵起行事宜 十二月差往貴州備辦夫船

蜀糗事務郎中党務禮員外郎薩穆哈馳驛回京奏  
稱雲貴總督甘文焜言吳三桂於十一月二十一日  
殺雲撫朱國治以所部兵反前差侍郎折肯等被留  
上召議政王大臣等諭曰吳三桂已反荆州乃咽喉要地  
著前鋒統領碩岱帶每佐領前鋒一名兼程前往保  
守荆州以固軍民之心並進據常德以遏賊勢其陸  
續遣發大兵往勦之處著速議川湖督蔡毓榮疏  
報吳三桂反偽稱天下都招討兵馬大元帥以明年  
甲寅爲周王元年貴州提督李本深叛應之前差往  
主事牟珠筆帖式薩爾徒不屈死總督甘文焜聞變

將十餘騎出貴陽府。至鎮遠。守將應賊圍之。文焜自殺。巡撫曹申吉降賊。賊逼鎮遠。漸入楚境。停撤平南靖南二藩。召梁清標陳一炳還。

命多羅順承郡王勒爾錦爲寧南靖寇大將軍。總統多羅貝勒察尼都統覺羅朱滿鄂內伯宜理布覺羅巴爾布等。同往湖廣。拿禁吳三桂子應熊。

詔削三桂官爵。宣諭雲貴官員軍民。

命都統赫業爲安西將軍。同將軍瓦爾達等由漢中入蜀。護軍統領瑚禮布爲副將軍。同往。

康熙十三年正月。遣都統覺羅巴爾布護軍統領伊

爾度齊額斯泰率護軍驍騎先赴荊州

命機爾坤移駐西安湖督蔡毓榮報賊兵已抵清琅衛

逼沅州請大兵馳救令提督桑峨疾馳赴偏沅協守

勒爾錦赫業師行改鄂善雲貴總督駐湖廣協

勦蔡毓榮報賊於十二月二十九日陷沅州總兵

崔世祿被執澧辰路梗

上命順承郡王發驍騎馳赴荊州

命都統尼雅翰為鎮南將軍領德州等駐防滿兵鎮兗州

副都統馬哈達席布叅贊軍務侍衛奎齊自荊州

馳還奏偏沅巡撫盧震棄長沙奔岳州

命都統朱滿領兵速赴武昌。令江寧將軍額楚鎮海將軍王之鼎各遣兵防守安慶。並勅尼雅翰速抵安慶。總統諸師馬哈達隨征江寧。四川巡撫羅森提督鄭蛟麟總兵譚宏吳之茂等以四川叛降賊。

命總兵徐治都還守彝陵。以席卜臣爲鎮西將軍。與副都統巴喀德業立守西安。援進川大兵。以趙國祚爲江西提督。王永譽爲河南提督。

命副都統擴爾坤帥師赴漢中。二月。太皇太后出宮中銀幣犒軍。僞總兵楊寶應犯常德。其父原任提督楊遇明爲內應。知府翁應兆從逆。常德

潰。以周有德總督四川。張德地巡撫四川。賊犯

澧州。守卒以城叛。提督桑峨等退保荊州。以胡拜

爲雲南提督。趙賴爲貴州提督。湖督報長沙副將

黃正卿等以城叛降賊。

命都統朱滿馳守岳州。

申諭大將軍等嚴禁兵士侵擾百姓。授刑部尚書莫洛

爲大學士。經畧陝西。以西控番回。南通巴蜀。恐吳三

桂煽亂人心。搖惑故也。兩廣總督金光祖報廣西

將軍孫延齡反。自稱安遠大將軍。殺都統王永年副

都統孟一茂等。執巡撫馬雄鎮幽之。三月。三桂僞

將劉之復陶繼智等犯蕪陵順承郡王遣護軍統領  
額司泰等擊敗之賊遁回宜都 以華善爲安南將  
軍鎮京口 杭州將軍圖喇報耿精忠反福建總督  
范承謨罵賊不屈賊幽之巡撫劉秉政降賊 鄖陽  
副將洪福以所部叛提督佟國瑤擊敗之 襄陽總  
兵楊來嘉據穀城叛 以內大臣希爾根爲定南將  
軍尚書哈爾哈齊副之統兵赴江西以討耿精忠護  
軍統領桑遏吏部侍郎覺羅舒恕副都統根特巴圖  
魯席巴布參其軍 又以武昌有警

命都統覺羅巴爾布護軍統領伊爾度齊率師赴武昌



西安將軍瓦爾喀等敗吳逆偽總兵葉某克復陽平關。四月奉使雲南禮部侍郎折爾肯翰林院學士傅達禮還至武昌。攜有吳三桂奏章。

上諭王大將軍等益加警備。仍招致之。賊將陶繼智復犯彝陵。都統鄂內擊破之。調西安副都統德業立隨征。總兵馬雲程高登科守襄陽。以喇哈達爲鎮東將軍。統兵鎮兗州。副都統伯穆赫林甘度海參贊軍務。逮盧震論死。吳三桂子應熊孫世琳伏法。福建告急。副都統瑚圖馬哈達赴杭州。削孫延齡職。尚可喜執吳三桂使人並逆書奏聞。以

阿密達爲楊威將軍鎮江寧。以賴塔爲平南將軍。赴杭州討耿精忠。潮州總兵劉進忠以城叛。降精忠。與續順公沈瑞兵巷戰。遂引賊兵入城。尚可喜奏吳逆遣賊二萬屯黃河。沈恐與孫逆合。請兵以根特巴圖魯爲平寇將軍討孫延齡。河北總兵蔡祿謀叛與楊來嘉通。阿密達擒以聞。伏誅。削耿精忠爵。

詔以分遣禁旅調度情形示平南王。尚可喜曰。今寧南靖寇。大將軍順承郡王率大軍由常澧進平雲南。鎮南將軍尼雅翰都統朱滿巴爾布等率師由武昌水陸

進取岳州長沙直入廣西都統宜里布等率師駐彝  
陵都統范達禮等駐節襄安西將軍赫業等由漢中  
進取四川副都統擴爾坤吳國禎等駐漢中鎮西將  
軍席卜臣等駐西安復遣尚書莫洛經畧三秦帥大  
兵居中調度鎮東將軍喇哈達等於山東河南江南  
要地控制安南將軍華善於京口水陸駐防揚威將  
軍阿密達等防守江寧安慶沿江險要平南將軍賴  
塔由浙江平定福建將軍圖喇駐杭州兼防海疆定  
南將軍希爾根亦由江西平定福建平寇將軍根特  
巴魯席布等往廣東會王進勦一切機宜王其恭酌

以行。五月安西將軍赫業等自漢中抵七盤關。破賊於關口。及種子鋪山下。進抵朝天關。敗三桂偽總兵石存禮於剗閣鋪山下。克復朝天關。平陽兵變。執總兵蔡朝佐。以朝叛。與耿精忠偽將曾養性合圍瑞安。

命將軍賴塔等督兵討之。副都統德業立大敗叛將洪福於武當山下。六月遣郎中周襄緒等奉詔往福建招諭耿精忠。

命戶部侍郎達都赴浙江督理大兵糧餉。授多羅貝勒尚善爲安遠靖寇大將軍。帥師赴岳州。固山貝子準

達帥師赴荊州。江西巡撫董衛國報叛弁柯昇勾連閩逆竊踞廣信諸處麻蓬地方賊兵繼起。

諭定南將軍希爾根根特巴圖魯等合勦之。總兵祖宏

勛以溫州叛。耿精忠偽將李雲龍犯常山開化金

華副將牟大寅擊敗之。斬其偽參將張雄。

命將軍喇哈達鎮守杭州。孫延齡犯柳州。馬雄告急。

詔尚可喜金光祖發兵援之。

命將軍賴塔進取福建。以陳洪明巡撫廣西。以和碩康

親王為奉命大將軍。統兵赴浙江。多羅貝勒董額為定西大將軍。統兵赴四川。浙江溫州羅清黃巖太

平諸營相繼叛。

詔將軍喇哈達調兵守台寧。

江西巡撫董衛國報耿逆

遣賊李連李太等犯建昌杉關官兵擊敗之。七月

以郎廷佐總督福建段應舉爲隨征福建提督。叛

將劉進忠遣其黨據程鄉縣官兵擊敗之復其城。

南瑞總兵楊富謀通賊事覺伏誅時精忠陷石城聲

犯寧都

命將軍希爾根等嚴守贛州以趙應奎充袁臨總兵官防

袁州精忠僞將閔標犯金華將軍喇哈達遣副都

統鄂申巴圖魯擊斬之三桂僞將劉之復犯宜都

副都統蘇濟虎等擊敗之。大將軍勒爾錦遣貝勒

察尼將軍尼雅翰等分水陸進攻岳州。敗賊將吳應

麒於七里山。副都統馬哈達雅達理敗賊於金華。

浙督李之芳報賊合力犯衢州。臣兵單可虞。

詔喇哈達速赴衢州。川督周有德報。偽總兵彭時亨犯

廣元。副將張登科等敗之。董衛國報。閩賊犯寧都。

遊擊周球等擊敗之。奪復石城。江西饒州營兵變。

李之芳報。都司姚世熙等大敗耿逆之兵於衢州。

降杜澤大洲等處。又耿逆勾連土賊。從處州逼金華。

副都統鄂申陳世凱擊敗之。

命總督蔡毓榮協勦湖南。順承郡王嚴兵守荊州。叛將  
劉進忠黨劉斌據晉寧。我兵進勦。賊迎敵。被陷。知縣  
段藻閉門扼之。復縣城。賴塔額賊犯金華。副都統  
喇哈等九戰皆捷。復諸暨義烏二縣。李之芳報遊  
擊王世望等敗賊於龍游。副將鮑虎復壽昌。李之  
芳報新昌知縣陳大典殺賊全城。紹興知府許宏興  
守備吳良駿等敗賊於城外。賊遁。犯仙居。都司汪國  
祥敗之。

命治歷法。南懷仁鑄造輕利火礮。以助大軍進勦。海澄  
公黃梧。子芳度。僞降賊。募舊兵。斬賊將劉豹等三



人固守漳州遣閒使黃藍以聞且請速救

詔張之令襲父爵以其兄侍衛芳世為隨征福建總兵官

會同尚可喜進剿護軍統領桑遏等敗耿逆兵於

撫州襄陽總兵劉成龍下荆南道石琳率兵攻剿

南漳縣天門寨賊安撫各寨洞官兵復梧州總

兵李辛勦賊金華焚其木城副將鮑虎砍賊五營復

淳安賊圍黃巖甚急又寧海象山新昌餘姚四縣

賊衆蜂起李之芳請速救台州保寧海得

旨着將軍賴塔喇哈達商酌飭隨營蒙古兵違法掠民

者罪死江西官兵復萬年縣浙江副將鮑虎復

遂安參將洪起元復嵯縣。

命護軍統領桑遇移師駐袁州。

上諭王大臣聞岳州三面臨湖。賊於陸路一面浚濠築壘。據守頗堅。詔將軍尼雅翰移師江西。與副都統甘度海等合兵自袁州進取長沙。夾攻岳州。李之芳報副都統胡圖副將王廷梅敗賊於石梁大溝源。總兵李榮復東陽。九月以饒州賊犯婺源。遣署副都統碩塔穆森以鎮守兗州滿洲蒙古驍騎移駐江寧。江寧總督董衛國報吳逆偽將率裸裸犯長沙。糾羣賊窺袁州。

上命將軍希爾根哈爾哈齊總兵趙應奎並力勦禦尋賊

陷都昌諭希爾根等勦之賊逼祁門改

命碩塔駐安慶調河南提督王永譽爲安徽提督武昌

知府于成龍督兵擒殺賊首鄒君升副都統尚之

節等復大埔偽將軍吳之茂偽賊總兵彭時亨犯

廣元官兵大敗之賊夜遁去尚可喜報劉進忠抗

不受撫官兵屢敗之斬偽副將陳璉等賊陷徽州

府及歙祁等縣江西總督董衛國報副都統甘度

海大敗賊於龍泉縣西北斬偽總兵郭龍李良又報

希爾根哈爾哈齊等圍撫州擊敗賊援兵及城內兵

浙江提督賽白理奏賊陷黃巖總兵阿爾泰從賊

吳逆遣賊犯袁州

諭署副都統穆承格率南昌兵速赴與趙應奎並力固守  
命和碩簡親王喇布爲揚威大將軍率滿兵往江寧保固  
江南全省將軍阿密達額楚華善王之鼎總督阿席  
熙並參贊授坤巴圖魯侍衛爲振武將軍赴汝寧駐  
移防浙撫田逢吉報賊屯仙居縣朱溪都司汪國  
祥知縣鄭錄勛會勦殺三百餘人南贛總兵劉進  
寶復崇義將軍額楚敗賊績溪復其城希爾根  
復撫州尋奏聞賊東踞建昌滇賊西犯袁州令哈爾

哈齊援袁州。李之芳報副將陳世凱副都統馬哈達石調聲敗偽都督陳重偽總兵朱老四等於金華之山口。追至鄭店斬五千餘級。焚賊巢二百餘處。川督周有德報偽將軍何德成自昭化赴二郎關欲截糧餉。官兵擊敗之。擒偽都司賀騰龍。兩廣總督金光祖報提督馬雄總兵郭義降賊廣西全省變動。命安親王岳樂爲定遠平寇大將軍率兵討之。額楚復徽州。

命速進取饒州。會合江西大兵。董衛國報賊犯總兵劉進賢調屯壘都督許貞救援大破之。又賊曾若干犯

石城。中軍管天祥知縣李德明等率民兵敗之。十月。賊犯遂安。副將鮑虎大敗之。偽將軍陳昇土。賊郭應定等攻贛州。副都統甘度海大敗之。斬偽總兵柯隆李梁。又追敗之於龍泉縣右灰澳隘口。破其三營。攻取曹林賊巢十餘寨。十一月。貝勒尚善等奏。十月二十六日夜大雨暴風。將沙船戰船漂沒三十餘隻。沖去未獲滿洲兵二十餘名。礮手七十一名。水手家人十六名。

旨。貝勒大臣速議具奏。副都統碩塔穆森等復建德。

賊陷湖口。彭澤。浮梁。鄱陽諸賊。嘯聚日衆。

命副都統雅賴阿喀尼馳赴勦賊。陝督哈占報參將陳應奎夜截賊於寧羌州文廟山。賊大亂遁回南山。康親王報偽都督周列偽總兵蔡明等率賊二萬由常山謀犯衢州。副都統喇哈胡圖等九月二十七日擊敗之於焦園等處。徽州營副將姚宏信守備李剛大敗賊於建德縣之鄭坑鋪。十二月經畧莫洛言廣元大兵缺餉兩月畧陽糧艘爲賊所劫。賊又屯踞七盤朝天等關。餉道梗塞。上命速赴七盤朝天等處會將軍席卜臣勦賊。疏通餉道。尋總督哈占言蜀中水陸俱賊糧運難繼且賊窺伺。

陽平

上諭貝勒董額莫洛周有德張德地等撤兵回廣元再圖  
恢復

命副都統賽格等率滿兵駐河南鎮南將軍尼雅翰報

復副者紛紛克托等於十月二十二日擊敗賊偏都

督李大元等於南康崖口恢復南康府定南將軍

希爾根報官兵恢復萬載縣撥京口沙虎船五十

艘往岳州湖督蔡毓榮報逆賊楊來嘉臨竹谿中

鋒寨江西遊擊佟國棟等復新昌官兵敗偽都

督徐尚朝等五萬衆於金華城外江西官兵敗賊



於袁州西村 癸巳陝西提督王輔臣叛於寧羌。經  
畧莫洛遇害。大將軍貝勒董額退保漢中。滇賊陷  
安福縣。

諭貝勒尚善規取岷州。

命平寇將軍哈爾哈齊守江寧。並叅贊大將軍簡親王軍  
務。遣給事中蘇拜招撫王輔臣叛兵。

命副都統穆舒渾等帥師鎮新安。以周卜世爲山西提督。  
駐平陽。

命將軍尼雅翰率所部協守廣東。孫延齡犯懷集縣。官  
兵六戰皆捷。又犯欽州。遊擊王嘉賢擊破之。

勅諭王輔臣

三藩紀事本末

任邱金象豫介公輯錄

康熙十四年正月精忠將黎化中與三桂之衆合犯連州我兵擊敗之

命將軍阿密達等帥師赴蘭州討王輔臣 乙酉興安兵

變殺總兵王懷忠 復永康縉雲二縣 二月下詔

切責貝勒董額等以王輔臣之亂退縮失機致廣元

朝天諸關已克復者復爲賊三桂所據飭令速定平

涼秦州分兵以通棧道 以鄂泰爲建威將軍統盛

京兵駐太原 復上高新昌二縣 精忠將沙有祥

踞桃花嶺。康親王遣副都統馬哈達等擊破之。復處州。

詔秦中官弁兵民倉卒降賊者悉赦不問。精忠將自處

州遁走仙居。副都統穆赫林等大敗之於白水洋。復

仙居縣。賊陷蘭州。巡撫花善奔涼州。以佛尼勒

爲安西將軍。西寧總兵王進寶大破王輔臣之衆

於隴州。復關山關。三月。叛將楊來嘉犯南漳。總兵

劉成龍敗之。改佛尼勒爲武將軍。援漢中。大將

軍董額師圍秦州。

命畢力克圖爲平遠將軍。率師赴大同。討王輔臣。以甘

肅提督張勇爲靖逆將軍加總兵孫思克左都督王  
進寶都督同知討王輔臣。王輔臣陷定邊城以總  
兵陳福爲陝西提督仍駐寧夏討賊。以花馬池靖  
邊衛相繼陷賊。

命都統鄂善等率師赴榆林調四子部落兵入邊。四月  
署護軍統領郎肅等勦湖寇於五桂寨斬二萬餘復  
餘干縣。王進寶敗輔臣之衆於蘭州。復萬年縣  
藤縣安仁縣。四川平涼賊衆合援秦州官兵迎擊  
屢敗之。王進寶平臨洮府克復靖遠衛。五月江  
西官兵敗賊於長興復建昌府。陝西官兵復寧州。

遊擊李師膺叛殺韓城令犯邠陽官兵擊敗之

叛將楊來嘉洪福犯南漳尋陷穀城以貝勒察尼爲

靖寇將軍統襄陽諸路兵援穀城

命將軍畢力克圖率師援穀城榆林副都統恰塔鎮大同

以吳丹爲建威將軍鎮太原賊陷延安綏德提

督張勇復洮河三州閏五月以張勇節制全秦軍

務陝西提督陳福遣兵復惠安韋州安定三堡遂

合蒙古諸部兵圍賊於花馬池大兵圍蘭州王進

寶等大敗賊於東門三桂將犯荊州

詔責順承郡王前失機宜勅附近官兵馳援荊州榆林

官兵復隴州。樂平賊復陷饒州。復松陽縣。將

軍額楚復廣信府。廣西官兵敗孫延齡之衆於蒼

梧。輔臣屢敗由蘭州將突圍出。王進寶分路邀擊

大敗之。克秦州。禮清水伏羌西和等縣。官兵敗

輔臣之衆於虎爾崖口。賊將朱龍遁。遂復綏德州。

命江西前鋒統領覺羅舒恕援廣東。關山賊遁。

命振武將軍佛尼勒等率師開棧道以援漢中。分兵守隴

州。仙逸關。張勇敗輔臣之衆於翠昌。遂復府城。

江西官兵取石峽。失利。署副都統雅賴死之。克蘭

州。畢力克圖追賊至宜川。敗之。延安府平。七月。

楊來嘉復犯南漳都統宜理布等大敗之。陳福勦

定邊縣擒斬賊將朱龍。興安遊擊王可成等復叛。

詔太原將軍吳丹分兵分守潼關。江西官兵復浮梁樂

平宜黃崇仁樂安諸縣。八月董額畢力克圖阿密

達諸軍會攻王輔臣於平涼屢敗之。陣斬賊將郝天

祥。貝子傅喇塔等敗耿精忠之衆於半山嶺進攻

黃巖偽將曾養性遁走溫州遂復黃巖城。九月江

西官兵復靖安縣。董額再疏請赦王輔臣。

上不許。十月浙江官兵進取溫州復太平樂清青田大

荆盤石等縣衛。陝西官兵與王輔臣戰於固原失



利副將太必圖死之提督陳福退保靈州十一月  
貝勒察尼敗三桂之衆於興山縣復其城福建巡  
撫楊熙及尚之信攻克鮮水關復永定縣叛賊馬  
雄等犯高州雷廉潮俱失守  
命簡親王喇布援廣東江西兵復浮梁貴溪等縣十

二月

詔書切責順承郡王師久無功參贊巴爾布等並落職自  
効寧夏兵變提督陳福死之王進寶佛尼勒張  
勇敗王輔臣於西河  
康熙十五年正月耿逆偽官汪飛龍等一百五十餘

員就撫

詔大將軍勒爾錦宣諭軍中。凡恢復城池後勿殺掠。以都統大學士圖海爲撫遠大將軍。征王輔臣。貝勒董額以下俱聽節制。叛將吳之茂自四川遁。羣昌使張勇還。羣昌禦之。復以畢力克圖爲平逆將軍。鎮寧夏。

詔諭康親王進師福建。貝勒尚善等進師岳州。三桂僞將高大傑陷吉安。安親王岳樂復萍鄉縣。三桂僞將夏國相遁。三月。王進寶。佛尼勒。大敗吳之茂於北山。擒賊將徐大仁。康親王遣固山貝子傅喇

塔等圍溫州。偽將曾養性祖宏勛悉眾來犯。副都統紀爾他布等擊敗之。岳州水師克君山。襄陽官兵敗三桂偽將王會於靈機寨。順承郡王勒爾錦渡漢。遣前鋒參領瓜爾察敗三桂之眾於文村。又敗之於首縣。勒爾錦擊三桂之眾於太平街。失利。退保荊州。四月。賊犯廣東。提督嚴自明總兵苗之秀副將王啟秀叛。尚之信陰通賊。守其父可喜等為亂。鎮南將軍舒恕等引還。副都統莽伊圖自肇慶突圍出。總督金光祖巡撫佟養鉅陳洪明俱降賊。上諭廣東變亂。兩江可虞。兵往江南。分駐京口。禦賊並應。

援江西

王輔臣之衆踞龍駒砦斷商南路知縣盧

英死之

命吳丹席卜臣等會哈占勦賊鄖陽官兵擊叛將諱宏

洪福等於坪溝諸處連敗之五月精忠僞將馮公

輔等陷宣平黨喀里擊走之國海敗王輔臣於平

涼六月王輔臣乞降

詔撫之王輔臣復引川寇犯通渭王進寶擊敗之復靜

寧州國海奉詔招王輔臣輔臣率衆降

上赦其罪加靖寇將軍立功贖罪賊將耿繼善及建昌

新城賊燒營遁

上諭康親王等曰精忠撤建昌諸兵其爲海寇所逼無疑  
我師宜乘機速進 七月江西官兵復金谿縣 振  
武將軍佛尼勒提督張勇王進寶會勦吳之茂等於  
秦州樂名賊衆宵遁 八月將軍穆占進師樂門復  
禮縣 精忠將馬九玉等據衡州康親王遣都統賴  
塔等敗之復江山縣九玉棄營遁 九月康親王遣  
胡圖等追擊馬九玉破之復常山縣賴塔馬哈達等  
進攻仙霞關賊將金印降遂復浦城縣 湖廣官兵  
破洪福於芝河 賊陷湖廣醴陵 張勇克階州  
福建總督范承謨爲精忠所害

命穆古佩征南將軍印統陝西河南諸軍赴湖廣討吳三桂賴塔紀爾他布等克建陽遂下建寧府十月康親王師抵延平偽將耿繼美以城降精忠大懼遣使赴延平獻偽印子顯祚來迎王師至福州精忠率偽官出城降

上命還精忠爵如故仍率所部兵從征海寇自効浙江官兵復溫處二州十一月安親王岳樂圍長沙不下官兵敗賊於信豐復定南泰和二縣耿繼善犯南豐副都統雅泰總兵許自敗之叛賊嚴自明等犯南康覺羅舒恕等擊走之尚之信遣人詣行

營乞降簡親王以聞。

詔赦其罪。令立功自効。吳三桂殺孫延齡以其眾隸線國安。官兵復上猶縣。建威將軍吳丹畧地華商。副都統穆舒渾敗賊於峻嶺川。復山陽縣。桑明等以廣信府來歸。賊將耿繼善棄邵武府遁。海賊乘間據城。犯延平。副都統穆赫林敗之。偽將彭世勛以城降。

康熙十六年正月將軍額楚等攻吉安失利。

命侍郎班迪至軍察將士罪狀。官兵復會昌新城汀州興化泰寧建寧長汀寧化清流歸化連城諸郡縣。

二月克泉州府。增置岳州水師營。閩賊林惟仁據周公源口。官兵討平之。以都統鄂內為討逆將軍。率師赴岳州。討吳三桂。江西官兵復瑞金鉛山府。

三月

命康親王移師取潮州。以莽伊圖為鎮南將軍。率師會勦廣東副都統額赫納穆承格。參贊軍務侍郎覺羅舒恕留鎮贛州。劉進忠苗之秀遣人詣康親王軍乞降。

詔赦其罪。並以原官從大兵征討。尋授進忠討逆將軍。賊將韓大任棄吉安。棄吉安遁。師入其城。



詔以簡親王師久無功自大將軍以下降謫有差更

命都統貝勒護軍統領阿克山副都統布舒庫往贊軍務

吳三桂聚眾守長沙

上命順承郡王勒爾錦進軍臨江圖海振兵漢中以分賊

勢

命簡親王偕多諾鎮吉安莽伊圖帥師赴韶州額楚駐袁

州侍郎舒恕防贛州官兵復樂安縣

四月

詔趣圖海進兵逼四川提督趙賴敗三桂之眾於泰和

擒賊將蕭元

吳三桂率眾赴衡州

命簡親王侍郎舒恕總督董衛國總兵折爾肯等分兵禦

之。奔伊圖師至南安。嚴自明以城降。遂克南雄。抵韶州。傅宏烈迎降。五月。尚之信以廣州降。以傅宏烈巡撫廣西。官兵復崇仁縣。六月。尚可喜卒。以其子之信襲封平南親王。劉進忠以潮州降。以覺羅舒恕爲安南將軍。祖澤清降。高雷廉三府

悉定。

七月。

詔穆占率師赴茶陵。與簡親王協取衡永。授傅宏烈撫蠻滅寇將軍。與尚之信定廣西。鄭錦僞將劉國軒自惠州犯東莞。將趨廣州。尚之信大敗之。賊將陳璉以惠州降。八月。朱統錫復犯江西。陷貴溪瀘谿諸縣。

命董衛國討之 三桂分兵犯韶州桂林

詔安親王岳樂將軍穆占相機勦賊 官兵復梧州府

命和碩額駙華善等率師濟蘭親王軍 三桂將胡國柱

馬寶冠韶州莽伊圖額楚夾擊破之賊敗走帽峰山

尋棄帽峰山遁官兵追擊過樂昌遂復仁化縣 十

月傅宏烈遣將敗三桂衆於昭平復潯州府 福建

按察使吳興祚敗朱統錫於光澤執之 廣西官兵

復鬱林州及南平等縣 十一月賊韓大任據萬安

縣之梁口以應三桂

命簡親王發兵與護軍統領哈克山等勦之 官兵復茶

陵攸縣。賊將馬寶率眾赴衡州。令尚之信趨韶州。  
會貝勒額楚進取宜章郴永。金星晝見。官兵復  
平江鄰縣。

康熙十七年正月。廣東官兵執三桂偽官董重民等  
獻京師。

上赦之。江西官兵敗韓大任於鷓鴣寨。賊遁汀州。官

兵復永寧縣。二月。金光祖自潯進兵。失利。

命將軍額楚都統貝勒等帥師戍梧州。覺羅舒恕守南雄。

控韶州。時三桂悉驍騎犯廣西。傅宏烈馳書告急。

上命莽伊圖為總統。額楚貝勒叅贊軍務。與宏烈合兵討

賊

詔簡親王移師取湖南 韓大任率所部降令赴京師

鎮南將軍莽伊圖與吳三桂戰於平樂失利退保中

山鎮

上命尚之信與都統馬九玉帥師會莽伊圖等併力破賊

二月湖廣官兵敗楊洪於房縣復其城 祖澤清

復叛 官兵復北流縣 三桂偽將軍林興珠詣安

親王軍降

詔封列侯授建義將軍留軍前勦賊 副都統甘度海阿

進泰以失機逮繫建昌 陝西官兵敗賊於秦嶺復

潼關堡 叛將祖澤清連山海諸寇犯電白尚之信  
破之於高州賊棄城遁 慶陽賊袁本秀附三桂為  
亂大將軍圖海遣兵擊斬之 六月移尚之信鎮潮  
州 湖廣官兵敗三桂舟師於君山 三桂寇永興  
都統伯宜理布護軍統領哈克山與戰失利死之賊  
遂據河外營。

命將軍阿密達等守南昌 三桂率諸賊力攻郴州前鋒  
統領碩岱與戰失利奔永興 七月  
命額駙華善佩將軍印守永興 三桂寇永興  
命將軍穆占赴援 官軍擊三桂之眾於岳陽湖 討逆

將軍鄂內敗三桂之衆於柳林嘴。官兵復平和。

八月尚善薨於軍。

命多羅貝勒察尼代之。遣都統王國棟率師援宜柳。

己未吳三桂死。賊將馬寶胡國柱迎三桂孫世璠於雲南。初三桂病中風噎膈。有犬登其案而坐。因病甚口不能張。且下痢。於本月十七日遂死。官軍屢擊敗賊衆。永興圍解。

命簡親王取衡州。貝勒察尼等取岳州。十月賊將吳應

麒遣杜輝已養元姜義率水軍犯陸石口。將軍鄂內敗之。十一月副都統金榜選平雷州土寇。復徐聞。

形  
民作柳

縣

簡親王移師進取彬州

十二月廣西賊陷藤

縣逼梧州

二十五日陝西道監察御史成其範奏

為星占之理可憑捷音之來伊邇請勅令軍中應期  
征勦以奏蕩平事臣竊惟天道至微而難窺非淺學  
所可輕議臣以愚陋書生何敢妄談但事有關軍國  
大計者不敢不據實為我

皇上陳之謹按五星之占驗往往不爽惟熒惑一星其應  
尤速此司馬遷所以謂天子必視熒惑所在也天文  
志曰熒惑行無常出則有兵入則兵敗各以其舍命  
國為亂為賊為疾為喪為饑為民所居國受殃天官



書曰熒惑反道二舍以上居之三月有殃殃速至雖  
大當小久而至雖小反大今年十一月十五日火星  
退度其在柳土者無可占驗也惟自十二月十八日  
火星退鬼金之宿二十三日火星退井木之宿自三  
十一度起直至十八年正月初九日退至三十五度  
而留留至正月十七日而夕遲夫與鬼之分野貴州  
平越府是也井木三十一度至二十五度之分野雲  
南大理武定姚安等府是也據星占而論論其時則  
自十二月十八日起至正月十七日止論其地則自  
貴州平越府起至雲南八府止此內當主賊兵自相

殘害一月之內。端倪必見五年之內。消滅無餘。此必  
至之應也。說者曰。火星退度。亦有未必盡應者。臣以  
爲火星退在四水宿。則不應。蓋水能克火。火故不能  
爲厲也。火星退在四土宿。則亦不應。蓋火土相生。火  
亦不能爲厲也。至於火退鬼金。則火能燥金。火退井  
木。則火逢木而益熾。況火旺南方。鬼井皆南方之宿  
也。雲貴皆南方之地也。反道正居其野。則逆寇之滅  
亡。所必然耳。臣不知彼地之情形。亦不知兵家之進  
退。但以星氣之占驗。其理如此。請勅軍中速應星象。  
以圖剪滅。則蕩平指日可期。知奉。

旨知道了該部知道

三藩紀事本末

任邱金象豫介公輯錄

康熙十八年正月賊將臨德興進逼樂平目勒索尼等圍岳州吳應麒棄城遁遂復岳州賊棄長沙遁師復其城二月吳世琮犯梧州傅宏烈等敗之賊棄營遁寧南大將軍勒爾錦率師渡江次元始前軍分路進取松滋枝江宜都澧州屯兵百里洲賊將洪福率舟師降簡親王遣前鋒統領希福等取衡州賊將吳國貴夏國相遁詔察尼會順承郡王勒爾錦取常德沅州鎮遠並議進取

雲貴事宜。改桑峨雲南提督趙賴貴州提督起前雲南巡撫天浴原官。以楊雍建巡撫貴州。周有德總督雲貴。並隨大軍進討。官兵復常德歸州及湘陰華容石首湘潭桃源安鄉諸縣。湖南兵下寶慶。吳國貴等遁走永州。將軍穆占敗之。復永州。於是道州永明江華等縣賊俱遁。

命布佛率師會莽伊圖定雲南。師次潯州。逆渠吳世琮遁。

撤勒爾錦還荊州。與巴爾布定巴東。六月。

詔圖海與各路將軍亟殲寶雞賊。恢復興漢以平蜀。是夏廣西湖南平。將軍舒恕額楚總兵譚昇楊國泰

大敗吳世琚。世琚負創遁。八月，將軍穆占師赴新寧縣。將軍傅宏烈復柳州，融縣、桂柳路通。馬雄子承蔭來歸。

詔授伯爵佩將軍印從征。將軍林興珠提督趙國祚等擊吳國貴於武岡，復其城。國貴中礮死。九月，

命簡親王帥師守桂林。希佛會莽伊圖進師雲南。金光祖執祖澤清械送京師。十月，王進寶克武關，尋復鳳縣。趙良棟進取兩當，連敗賊衆，復其城。十一月，王進寶入雞頭關。十二月，以蔡毓榮爲綏遠將軍，進定雲貴。周有德、趙賴等俱聽節制。前鋒統領

佛尼勒吳丹克梁河關。偽將軍韓晉卿遁入四川。遂  
復興安州。平利。紫陽。石泉。漢陰。洵陽。白河。及湖廣竹  
山。竹溪。上津。諸縣。以次底定。

命傅宏烈率師復滇黔。

康熙十九年正月。趙良棟復龍安府。王進寶克朝  
天關。遂復廣元縣。

詔安親王岳樂班師。趙良棟至綿竹。偽將軍汪文元偽  
巡撫張文德等迎降。遂復成都。王進寶復保寧。

二月。

詔順承郡王勒爾錦等取重慶。吳丹鄂克濟哈會趙良棟

取雲南。楊茂勛王之鼎守成都。王進寶守四川。徐治都守彝陵。總兵官楊宗道援昭化縣。遂復劍州。祖澤清及子良梗伏誅。王進寶吳丹遣將軍佛尼勒總兵官王朝海率兵取順慶。招撫鹽亭潼川中江南部諸州縣。悉下之。順慶僞知府彭天壽等降。於是蓬廣安合西元岳池營山渠鄰水儀隴遂寧蓬溪諸州縣相繼悉定。

詔簡親王率師屯柳州。尚之信守貴縣。莽伊圖馬承蔭馬九玉金光祖各率師分道進取雲貴。提督徐治都楊茂勛大敗川賊楊來嘉擒僞將軍王鳳岐等。復巫



山縣乘勝取夔州。徐治都至巫山，再敗楊來嘉遂。

復夔州。譚宏降。楊茂勛遣兵克大昌、大寧等縣。

三月，建威將軍吳丹師至重慶，僞文武官迎降。達州東鄉太平、新寧、南江、安岳等州縣悉定。楊來嘉來

降。安親王師旋。

車駕至蘆溝橋，行郊勞禮。馬承蔭復叛於柳州，襲傅宏

烈軍。

命都統夸札帥師與平南王等協勦。平南將軍賴塔克

銅山。

命賴塔守潮州，以備馬承蔭。貝勒察尼下辰龍關。蔡

毓榮復銅仁府及瀘溪淑浦麻陽三縣。四月都統  
穆占總督董衛國敗偽將軍吳應麟等。復沅州靖州  
及黎平府。五月定遠將軍貝子章泰克沅州。蘭  
親王金光祖莽伊圖合師討馬承蔭。自碓谷進取柳  
州。承蔭復降。內閣學士薩慕哈押解來京。六月復  
思南府。七月解順承郡王。大將軍印。撤回京。八  
月將軍莽伊圖卒於軍。以都統貝勒代之。尚之信  
藩下兵鼓譟逃亡。

諭兵部前因尚之信屬下張永祥等首尚之信諸不法事。  
朕欲明其虛實。故令之信來京。諸官兵何嫌何疑。以

致逃避其令將軍賴塔等宣布此意咸使聞知先是  
吳三桂反之信迫其父可喜從賊可喜憤死之信遂  
降賊及歸正仍懷兩端甚至希還異數毀訕

乘輿於是藩下人張永祥張士選來京告其不法之事之

信母舒氏胡氏都統王國棟亦相繼疏列其罪

上遣刑部侍郎宣昌阿與國棟謀執之武宣之信具疏辨  
上不忍即置法

命來京對簿之信弟之節等陰糾黨與誘殺王國棟欲爲  
亂將軍賴塔等率兵圍之之節等就擒而舒氏胡氏  
復飾言之信無謀叛迹前告變疏皆國棟等僞爲事

下王大臣集議之信賜死逆黨之節及李天植等悉  
正法

詔送之信家屬詣京察廣東大小市利爲之信占奪者悉  
還之民九月大將軍章泰將軍蔡毓榮等分兵進  
取貴州

命廣西四川諸將帥師會剿譚宏復叛瀘叙永寧俱陷  
賊孽民亦變

上命將軍噶爾漢都統范達禮提督徐治都等率師赴夔  
州與貝子準達攻之以賴塔爲大將軍率師定雲  
南將軍吳丹復瀘州

詔將軍王進寶馳赴保寧兼守漢中。十月彗星見於翼。

廣西兵復天河縣。仁懷失守。罷將軍吳丹。以鄂

克濟哈領其衆。叛將譚宏彭時亨臨涪州。

命總督哈占赴保寧討譚宏。復巫山縣。康熙壬師旋

上邽。敗吳世璠之衆於鎮遠。遂復其城。將軍噶爾漢自

巫山進復夔州。又擊譚宏將於錯開峽。大敗之。

十一月丙辰朔彗星見西方。辛酉白氣見西方。

章泰進復平越。遂抵貴陽。世璠及劉國柄吳應麒等

夜遁。傅宏烈臨賊不屈死之。鄂克濟哈復瀘州。

以佛尼勒爲建威將軍會哈占定四川總兵高  
孟敗彭時亨於南溪橋復營山縣進師羅石橋大敗  
賊衆復圍之於靈鷲寨斬其僞將魏仰武提督周  
卜世復思南府十二月譚宏犯夔州高孟復渠  
縣提督桑峨等大敗世璠於永寧州復其城追至  
鐵索橋賊焚橋遁僞將軍饒一龍等以慶遠降  
高孟復廣安州

康熙二十年正月前署貴州提督李本深及文武官  
降械本深送京師高孟復達州叛將譚宏死將  
軍噶爾漢進敗賊衆於雲陽擒賊將向旭輝等復其

城宏子天祚遁。萬開建始梁山忠州悉平。廣西大  
桂山賊黃明降。將軍穆占提督趙賴擊世璠。偽將  
高啟隆夏國相等於平遠走之。偽將王會降。復平遠  
府。二月。貝子章泰師至安南衛。偽將軍線織據江  
西坡。總兵白成功追至沙子哨。賊列陣驅衆拒戰。官  
兵分三隊奮擊之。大破賊。夜遁。越五日。副都統龔圖  
達漢泰等復自臘姑坡追擊敗之。復新興所。普安州  
二城。副都統莽依祿遊擊王成功等以兵四千敗  
賊張足法於三山。至高家橋又敗之。斬首千餘。將  
軍賴塔師至曲靖府。偽總兵尹士元等降。遂遣偏師

取交水城斷賊中路。僞將軍線緘等遁。高孟復東鄉縣。又敗彭時亨於月城寨。都統希福馬輯復馬龍州。易隆所。其明日復楊林城。前鋒碩塔至嵩明。賊遁。是夜渾水營屯賊亦遁。目子章泰將軍賴塔蔡毓榮等兵先後至雲南。營於歸化寺。復大定府擒僞巡撫張維堅斬之。復立龍縣。世璠遣僞將胡國柄等率衆拒戰。官兵分擊之。大敗賊衆。斬國柄及劉起龍。三月。胡國柱犯賓垣大溪口。將軍佛尼勒破之。復馬湖府。提督周卜世復遵義府馬寶棄城走。復犯瀘叙二州。



詔噶爾漢王用予赴叙州討之。偽將軍宋國輔陸道以

永寧城降。大兵逼雲南。掘濠圍之。世璠嬰城死守。密召蜀中賊將馬寶、胡國柱、夏國相等歸援。

詔將軍佛尼勒趙良棟與噶爾漢等各統兵襲擊。四月

王用予復納漢江安仁懷合江。偽將軍韓天福以

武定府降。大理府偽大將軍張國柱及臨安永順

鎮姚安府諸偽官各率所屬降。五月提督周卜世

遣總兵李師膺等取遵義。偽知府金仕俊偽知縣吳

逢聖相繼來降。遂復鎮安州及仁懷綏陽桐梓諸縣。

偽將軍李發美以鶴慶麗江二府降。六月楚雄

府僞將軍陳光祿等復叛

詔將軍穆占仍留雲南署前鋒統領薩克察巴圖魯率所部會勦署副都統諾敏率所部協守貴州副都統莫達鎮常德。七月都統希福提督桑峨追賊馬寶於烏木山殲其衆寶僅以身免。總兵李芳述敗賊胡國柱復建昌。僞將馬寶巴養元等降。

命俱械送京師

詔圖海鄂克濟哈還京師留將軍吳丹守漢中王輔臣隨

圖海赴闕。八月。

詔總督哈占率兵還四川撤漢中荊州江寧滿兵還京奠

達等守肯陽。諾敏駐沅州。十月，偏沅巡撫韓世琦與總兵官和山盧崇耀敗世璠將黃明於古州，八萬獲。撫遠大將軍都統大學士公圖海還朝。十一

月。詔失節從賊諸臣馬寶

寶已於九月伏誅

夏國相胡國柱王永清

等大惡不赦。外餘俱落職，放回鄉里。王師進圍雲南。吳世璠自殺，戮其屍，傳首京師。偽相方光琛等伏誅。餘黨悉降。雲南平。羣臣朝賀於乾清門。召固山貝子章泰總督趙良棟赴闕。十二月，羣臣請上尊號，不許。補行廣西鄉試。加上。

太皇太后

皇太后尊號

御門受賀頒詔天下宗賚室及外藩子內外官封贈廣解額  
舉隱逸旌節旄孤獨罪非常不原者悉赦除

康熙二十一年正月十四日

上御乾清門宴內閣大學士各部院等堂官翰林院學士  
講讀及日講編檢詹事坊局科道掌印官九十三員  
特勅諸臣歡暢飲酒笑語無禁宴畢復命近御座前觀燈  
更賜卮酒霑醉者內官扶掖而行明日

御製昇平嘉譙詩序及首唱麗日和風被萬方外羣臣集

太和殿下。倣柏梁體。以次各賦。凡九十三韻。分發  
吳三桂骸骨於各省。吳世璠首級。交與刑部懸挂示  
衆。逆黨夏國相凌遲。已養元等五人處斬。梟示。耿精  
忠凌遲。梟示。其子顯祚處斬。徐文耀。王世瑜。白顯忠。  
江元勛。曾養性。王振邦。蔣得輅。劉進忠。俱凌遲。進忠。  
梟示。黃國瑞。林芳。孫廖廷雲。李似桂。夏季旺。呂應斗。  
武灝。司定猷。沈偉。郭景汾。羅萬里。祖宏勛。陳儀。陳斌。  
呂八俱處斬。田起蛟。金鏡。李學詩。陳夢雷。俱從寬免  
死。磔從逆貴州提督李本深於市。孫衆。乾象。坤弟。  
子濟。祥濟。民並立斬。二月癸巳。

上以雲南底定躬詣盛京

陵寢告祭。是日啟行。外藩王貝勒請上尊號不許。五

月辛亥

上回京。彭時亨譚天秘凌遲梟示。福建將軍馬九玉

疏請罷職得

旨。馬九玉於耿精忠叛時曾哭勸再三。歸正後又甚効力

非他人可比。着以原官來京。六月以旱釋江西吉

安出征官拘禁。燧子山對敵退回十月。貝子章泰都統賴

塔自雲南凱旋

上郊勞。赴蘆溝橋駐蹕。行抱見禮。

康熙二十二年二月奉

旨張國柱高致隆俱行處斬傳其示衆。張足法吳起豐王會從寬免死着交內務府入旗。四月鑾儀使趙良棟疏言臣於康熙十八年四月疏請進兵不十日而取徽州十一月疏請兩路進兵不十日而取成都奉

有

上諭趙良棟若不克取成都保寧如何而得若不得保寧成都如何而守而部議保寧一路官兵功加十等成都一路官兵功加一部等若是懸殊伏乞照例議叙又言臣於康熙二十年九月內抵滇在總督金光祖

營內會議令臣進重關下營取得勝橋。明日章泰改  
令蔡毓榮取得勝橋而蔡毓榮之兵在重關已十四  
日未能取橋。二十日又公議令臣破南堤之賊取雙  
塔。臣於二十二夜破南堤奪王皇閣安營。二十五日  
夜奪新橋等處。賊見我兵扼吭人心始亂。郭壯圖自  
縊。吳世璠自盡。二十九日城開。此臣親率官兵攻取  
不三日而奏捷音也。今蔡毓榮下官兵議叙加十三  
等。而臣下官兵直入取城竟未議叙。乞飭部查叙。  
旨着王大臣會議。尋議趙良棟因不急救建昌以致賊陷  
功罪相抵無庸議叙。其標下官兵照例議叙從之。



康熙四十五年十一月

上諭大學士等曰噶爾丹遇我軍於克魯倫之地未嘗交  
戰乃往西路遇西師進擊盡被殺戮西路兵獲其牛  
羊二十餘甚爲得濟此乃天意也昔吳三桂兵圍永  
興城危在旦夕知吳三桂一死其兵皆退此亦天意  
也

平定海寇紀事本末

任邱金象豫介公輯錄

順治十八年十月鄭芝龍伏誅初大軍入閩芝龍棄唐王降其子成功以所部叛入海芝龍赴京師成功肆擾閩浙至入犯江寧命芝龍招之成功不從至是乃以謀叛律誅芝龍及其二子世恩世蔭

康熙元年五月總兵許龍擒成功之弟成賜於廈門六月耿繼茂報海逆鄭成功因其子鄭錦烏各僞鎮擁立忿怒發狂於五月初八日齧指身死十月提督施琅遣守備汪明等敗海寇於海門斬僞副將

林維等。十二月李率泰奏十月臣統兵渡海攻克  
廈門賊眾驚潰提督施琅會荷蘭國夾板船擊之斬  
千餘級乘勝取語嶼金門二島鄭錦周全斌等遁  
總兵王進功敗海寇於雲霄鎮

康熙三年七月以福建水師提督施琅為靖海將軍  
勦鄭錦

康熙十二年八月海澄公黃梧卒于芳度偽降鄭逆  
誘斬賊將固守漳州遣間使黃藍請救

王褒之令襲父爵並命尚可喜進勦鄭錦以援之

康熙十四年十一月海寇鄭錦陷漳州海澄黃芳度

閩家死之

康熙十五年十一月海寇鄭錦遣其將許耀逼福州  
康親王遣都統喇哈達等擊敗之

康熙十六年二月官兵敗鄭錦於新泉賊棄漳州遁  
遂復海澄等十縣 七月鄭錦僞將劉國軒自惠州  
犯東莞將趨廣州尚之信大敗之賊將陳連以惠州  
降 十二月海寇犯泉州副統楊鳳翔提督段應舉  
敗之 海賊犯欽州遊擊劉士貴敗之 鄭錦犯泉  
州叅將朱起龍敗之

康熙十七年二月鄭錦寇石碼副都統孟安副將楊

壯猷敗之。閏二月鄭錦圍海澄。總兵黃蓋告急。

命將軍賴塔帥師赴援。六月賊陷海澄。署前鋒統領希

福陣亡。穆赫林及提督段應舉自縊。七月海寇犯

泉州。

詔副都統岳爾多馬思帥師赴援。副都統雅哈里棄同

安賊遂圍泉州。紀爾他布石調聲退保興化。惠安毀

陷。

召岳爾多帥師勦之。九月官兵敗海賊於蜈蚣山。劉國

軒遁泉州圍解。

康熙十八年正月劉國軒犯長泰。副都統紀爾他布

巡撫吳興祚敗之。三月侯錫爵敗海賊楊金日等  
於山頭仔。五月劉國軒犯江東橋。將軍賴塔擊走  
之。

康熙十九年二月萬正色破鄭錦於海壇。鄭錦將朱  
天貴自海壇遁。萬正色敗之於平海嶼。遂克湄州南  
日平海崇武諸嶼。康親王規取玉洲。賊渠劉國軒  
走廈門。僞總兵蘇堪迎降。遂復玉洲石碼海澄。福  
建總督姚啟聖總兵趙得壽黃大來將軍賴塔分兵  
攻陳洲馬洲鸞腰山觀音山展旗山等十九寨皆破  
之。福建巡撫吳興祚將軍喇哈達總兵王英等擊

朱天貴於廈門賊潰。遂遣將取金門。

康熙二十年正月。海賊鄭錦死。其黨馮錫範奉錦次子克塽爲後。七月。以施琅爲福建水師提督。與將軍總督等統舟師。進取澎湖臺灣。改萬正色爲陸路提督。

康熙二十二年六月。施琅大破海寇於澎湖。賊渠劉國軒遁。七月。海寇鄭克塽遣僞官鄭平英等齎降表至軍前。

一降勅撫之。八月。施琅題報。七月十五日。鄭克塽遣僞官馮錫珪等齎降表詣軍前。請繳僞冊印。率衆登岸。

安撫臣隨遣兵官持牒曉諭兵民驗視莊髮至臺灣  
地方千餘里戶口數十萬或棄或守伏候

上裁又奏臣於八月十一日自澎湖進發十三日入鹿耳  
門至臺灣十八日鄭克塽及偽官俱薙髮所有成功  
子鄭總等六人克塽弟克塽等九人偽武平侯劉國  
軒等子弟俱陸續移入內地尋加施琅靖海將軍封  
靖海侯世襲罔替十月羣臣以海寇平請上尊號

上不許

康熙二十三年正月施琅奏臺灣地方千里人民十  
萬棄之必爲外國所踞請設鎮守官并四月設臺



灣一府三縣巡道一員總兵官一員副將二員兵八  
千澎湖副將一員兵二千